

BSI/45

C3

V.18

1891

ILLUSTRISSIMO ET REVERENDISSIMO DOMINO

D. MATTHIÆ HOVIO

ARCHIEPISCOPO MECHLINIENSI.

S. Ambrosius, exemplar et speculum Pastorum et Pontificum, ILLUSTRISSIME ET REVERENDISSIME DOMINE, Sacerdotibus et Praesulibus adeo impense commendare solebat studium S. Scripturæ, ut eam vocaret *librum sacerdotalem*, qua in re securus est magnum illum et celestem Dienysium, qui S. Pauli discipulus et admirator (Paulum enim ipse virum divinum et secundum solem vocat, et suscipit) asseverat *S. Scripturam esse substantiam sacerdotii nostri*.

Atque ne plus dixisse quam fecisse videretur Ambrosius, hujusc rei seipsum exemplum præbuit: illius enim continuus et indefessus labor in S. Scriptura tum legenda et perscrutanda, tum voce et scripto explananda liquido patet, partim ex commentariis et tractatibus, quos in illam multos et luculentos edit; partim ex sermonibus et concionibus, quibus quasi strenuus Ecclesiæ Pastor populum suum assidue verbo Dei pavit et instruxit: quarum quanta fuerit vis et energia vel ex eo conjicere licet, quod iisdem S. Augustinum, jam tum Manichæum, et in heresi sua æque doctum ac pertinacem, ad sanam fidem converterit, Ecclesiæque Catholicae (quale lumen!) restituerit, imo dederit.

Quinimo huius S. Scripturæ studio non tantum vigens valensque jugiter insudavit, sed et senescens eidem continue incumbere, adeoque immori voluit S. Ambrosius: nam usque ad ultimam ægritudinem suam, ait Paulinus, non cessavit unquam scribere, commentari et expondere sacras Litteras; ac denique commentaryi *Psalm. XLVII*: «Magnus Dominus et laudabilis nimis,» immortuus est: unde et commentarium in eum inabsolutum reliquit, duobus ultimis ejus versibus intactis, quo tempore sphæra ignea colitus demissa caput ejus cingens et allambens, evidens signum et testimonium dedit, hosce ejus commentarios a Deo et Spiritu Sancto non tantum probari, sed et ab eodem aspiratos et suggestos fuisse; perinde ac alias eidem S. Ambrosio contra Arianos disputauit.



FONDO EMETERIO
VALVERDE Y TELLEZ

007694

et auctoranti S. Paulus corporea specie noctu apparet, tam eum, quam ejus dicta et scripta confirmavit et roboravit.

S. Ambrosium secutus est per omnia hoc sæculo B. Carolus Borromæus, novus Mediolanensis Ambrosius, qui S. Scripturam suis Clericis et Pastòribus tam verbo, quam exemplo studiose commendavit. Solebat enim ipse eam assidue et volvere, et populo explanare, idque tanto studio, devotione et reverentia, ut ultimis vitæ sue annis S. Scripturam, quasi ipsissimas Dei ad homines literas, non nisi nudo capite et flexis genibus venerabundus lecitaret.

Fuit B. Borromæus Mediolanensis, tu, ILLUSTRISSE DOMINE, noster Belgarum es Ambrosius, ac proinde instar Ambrosii et ipse S. Scriptura mire delectaris, et eamdem tuis impense commendas. Hausit e S. Scriptura atque in primis e S. Paulo Ambrosius doctrinam sanam, vitæ innocentiam, comitate mixtam morum gravitatem, spiritum Episcopalem, imo Apostolicum; hausisti pariter et tu, ac vita tua ita exprimis illud S. Pauli ad Titum: « In omnibus te ipsum præbe exemplum honorum operum, in doctrina, in integritate, in gravitate, verbum sanum, irreprehensibile, ut si ex adverso est, vereatur, nihil habens malum dicere de nobis; » ut omnes hoc Paulinum Archiepiscopi schema in moribus tuis, quasi in viva idea descriptum et depictum non tam legere, quam videre et minus intueri sibi videantur.

Fuit S. Ambrosius hæresomastix, atque Arianos undique persecutus est et profligavit: flagellum hæretorum similiter es, ILLUSTRISSE DOMINE, adeo ut in tota Flandria nulle urbes magis intacta sint ab hæresi, quam tua Mechlinia, Lovanium et Bruxella: quod eo mirabilius et illustrius est, quo magis hic undique hæreticis cingimur, et pene commiscemur. Facit hoc tua strenua vigilancia et auctoritas, quam ipsi etiam heretici ita suspiciunt, timent et reverentur, ut in hisce cum Hollandis inducisi in tua diœcesi non dico midulari, sed vel hæreses suas profiteri et palam facere non audeant. Vidimus in hoc genere nuper novum illum dogmatisten^{P.}, non Paulum, secreto suo errores magno multorum favore, pariter et pericul spargentem, a te detegi, revinci, suaque dogmata ejurare, itaque grande incendium, quod Brabantis imminebat, in ipso fomite restinxisti.

B. Ambrosius
epist. ad
Marcellinam
cororem. In S. Ambrosio enituit invicta animi magnitudo, libertas et constantia, qua et Justina Imperatricis Arianae audaciam, et Maximi Eugenique tyrannidem repressit, nec minas, nec mortem veritus; quin et Caligono, Imperatoris eunc cho, cædem minitanti placido et hilari vultu respondit: « Deus permittat tibi ut impleas quod minaris: ego enim patiar quod Episcopi, tibi facies quod spadonis. »

Theodosium vero Imperatorem peccantem quam libere et redarguit et in ordinem redigit! cui proinde Theodosius apud Nectarium, Patriarcham Constantinopolitanum, illud elogium dedit: « Solum Ambrosium novi Episcopum dignum eo nomine: hic veritatis magister est, qui me docuit quid inter Imperatorem et Episcopum intersit. »

Integritatem et constantiam tuam, ILLUSTRISSE DOMINE, norunt et experi sunt summi juxta ac infimi, ejusque opinionem et famam apud omnes ita certam, itaque ex tot annorum usu et experientia quasi præscriptione firmatam vindicas et obtines, ut citius vitam quam constantiam, ILLUSTRISSIMA R. T. dimissuram cuncti existimant; quo fit ut nemo, etiam si potentissimus sit, ab ea petere aliquid audeat, quod vel in minimo æquitalis, aut disciplina Ecclesiastica cancellos, non dico transgredi, sed vel prætergredi videatur: qua in re dictitant illud, quod de Chrysostomo olim celebratum est: Archiepiscopus Mechliniensis nil nisi peccatum timet; nimurum cum Timotheo et S. Paulo didicisti illud: « Non enim dedit nobis Deus spiritum timoris, sed virtutis. »

S. Ambrosius Mediolanensem Rempublicam et Ecclesiam pravis moribus et vitiis infectam et corruptam expurgavit, pristinæque integritati et splendori restituit, atque aliud quasi Mediolanum, perinde ac B. Borromæus nuper, nobis exhibuit, ILLUSTRISSIMA R. T. hanc nostram Mechliniensem diœcesim paucis abhinc annis tam ex hæreticorum, quam ex bellorum et hostium incursu silvescentem, desertam et pene depositam, adeo ut rure et in pagis non tam Christiani, quam Indi et Barbari (ulpoz qui multis annis nec sacra, nec sacerdotes viderant) habitare viderentur, ita reformavit et reparavit, ut hic impletum videatur illud Isaiae: « Populus qui ambulabat in tenebris, vidi lucem magnam, habitantibus in regione umbra mortis lux orta est eis. » Et: « Ponam desertum in stagna aquarum, et terram inviam in rivos aquarum; dabo in solitudinem cedrum, et spinam, et myrtum, et lignum olivæ, ut videant, et scient, et recognit, quia manus Domini fecit hoc, et Sanctus Israel creavit illud. »

Jam quanta, te duce et chorago, Mechliniæ in choro est psalmodiæ et offici divini decor, ordo, reverentia? quis Ecclesia, quis rituum ornatus et dignitas? quanta sacrorum omnium religio et majestas? Verbo dicam: Ambrosiana est; qui eam intuentur, mirantur et stupent, sibique videntur spectare sacram castororum aciem ordinatam, imo vivam imaginem coœlesis hierarchiæ æque at harmoniæ. Non ab blandior, non narro secreta, sed publica, quæ res ipsa palam loquitur.

Denique nunquam non ob oculos habes vivam S. Ambrosii effigiem, ideam inquam perfecti, omnibusque numeris absoluti Pontificis, quam S. Bernardus Eugenio Pontifici ita prescribit et ad vivum depingit : « Considera, oportere te esse formam justitiae, sanctimoniae speculum, pielatis exemplar, assertorem veritatis, fidei defensorem, doctorem Gentium, Christianorum ducem, amicum sponsi, sponsae paronymphum, cleri ordinatorem, pastorem plebium, magistrum insipientium, refugium oppressorum, pauperum advocationem, miserorum spem, tutorem pupillorum, judicem viduarum, oculum cæcorum, linguam mutorum, baculum senum, ultorem scelerum, malorum metum, honorum gloriam, virgam potentium, malleum tyrannorum, Regum patrem, legum moderatorem, Canonum dispensatorem, sal terræ, orbis lumen, sacerdotem Altissimi, vicarium Christi, Christum Domini, postremo Deum Pharaonis. »

Quapropter sub tali Antistite Mechliniensis Ecclesia hoc tempore et doctrina et disciplina, et morum integritate ac pietate, ita composita instructaque est, ut non tantum Belgicis, sed et totius Europæ Ecclesiis, quasi forma et exemplar proponi possit; quam ad rem multum adjuvit, et indies adjuvat SERENISSIM. Principum nostrorum avita pietas, religio et zelus; qui tua consilia reverentur, et constanter fovent, lulantur et promovent, ut merito sperare debeamus in hoc Belgii quasi deliquio, talibus Principibus et Præsulibus pristinum religionis æque ac Reipublicæ vigorem, florem et decus postliminio Belgio restitutum iri. Ita nimirum Gratianus et Valentinianus Junior, Imperatores, quamdui S. Ambrosii quasi paedagogi sui et hierarchæ monita secuti sunt, imperium pie et prospere administrarunt, atque Italæ regnum pacificum et felix reddiderunt. Ita Constantinus, Constanus, Theodosius, Marcianus, Carolus et alii Reges et Imperatores Pontificum, quasi parentum suorum, placitis et votis obsecundantes, a Deo benedicti, directi et fortunati fuerunt, atque Imperium tam Orientis quam Occidentis, pietate et religione juxta ac opibus et gloria florens inclytumque praestiterunt.

Ambrosium itaque nobis exhibes, ILLUSTRISSE DOMINE, studio et doctrina, Ambrosium sapientia et prudentia, Ambrosium comitate, integritate, gravitate, Ambrosium libertate et constantia, Ambrosium vigilantia, fortitudine et zelo, ideoque instar Ambrosii sacras Litteras, ac præcipue Paulinas hasce epistolæ quasi librum sacerdotalem, quasi vivum Pastorum et Præsulum speculum avide complecteres, atque earum æque studiosus es ac doctor; indeque Pauli mors, spiritum, animos et ignes imbibisti, atque indies magis hauris et imbibis; pe-

rinde ac libros Sapientiales Salomonis et Siracidæ assidue, etiam in itineribus et hospitiis (instar magni illius Hosii Cardinalis, qui Concilio Tridentino præfuit) teris et volvis, eorumque sententias gravissimas, quæ in rebus quibusque particularem prudentiam tam humanam, quam divinam docent atque præscribunt, quasi ad unguem calles, atque ex earum præscripto et dictamine actus omnes tuos moderaris et dirigis.

Cui ergo justius hocce Paulinum opus, atque imprimis Pontificales atque Archiepiscopales ejus ad Titum et Timotheum epistolas dedicem, nisi ILLUSTRISSE R. T., quæ et proprius noster Episcopus es, imo Archiepiscopus, Belgique Hierarcha, et S. Pauli gradum ac munus sortitus, eumdem æmulari, verbisque et moribus exprimere satagis, atque plures Titos et Timotheos nobis instruis, formas et creas; ut anno precedente Vicarium tuum, virum integrum, prudentem, fortem æque ac suavem, atque in negotiis Ecclesiasticis apprime versatum, et longo usu exercitatum, Reverendissimum Gandensem (Gandensium delicias) formasti et creasti?

Accedit, quod ego per plures annos ab ILLUSTRISSIMA R. T., et Reverendissimo Gandensi, Vicario tunc tuo, statis anni festis solemnioribus Mechliniam evocatus, in Metropolitana Ecclesia tua pœnitentiarium egerim, dumque sepius cum ILLUSTRISSIMA R. T. familiariter agerem, auctor et incentor hujus operis mihi fuisti; amice enim monebas et hortabaris me, ut ea, quæ in totam S. Scripturam jam per octodecim annos semel iterumque in celebri hac urbe tua et Universitate Lovaniensi publice docuissem, typis evulgarem, omnibusque Belgis, quin et aliis provinciis communia facerem. Atque ego quidem tum detrectabam, et excusabam, dicebamque libros esse liberos: eo quod non minor libris, hoc præsertim tam eruditio seculo, quam liberis concipiendis, fowendis et educandis cura, labor et sollicitudo sit adhibenda. Eram enim, et etiamnum sum, silentii et quietis amantior, alteque mihi impressi illud, ^{z. 20. psalmus;} et illud S. Job: « Dixi, In nidulo meo moriar; » et illud S. Hieronymi ^{et} S. Hilarione: « Crebro mutabat locum, non ex levitate, sed honorem fugiens et importunitatem. Semper enim silentium et vitam ignobilem desiderabat. » Quocirca octogesimo ætatis anno moriens fidenter dicebat: « Egressere, anima mea, quid times? Septuaginta prope annis servisti Christo, et mortem times? » Præsertim cum antiquæ et continuæ mee infirmitates jugiter me admoneant brevitas vite, ut disponam domui mee, utque animam meam virtutibus, et cœlestium divinarumque rerum tractatione expoliam, præparemque ad felicem transitum, et ad

I beatam æternitatem; hæc enim una cura est, que Religiosum assidue ad humana-
rum rerum contemptum, et ad cœlestium desiderium, cœlestemque vitam
exstimas et impellit, quæque me ab ipso Religionis ingressu pupugit, et as-
sidue Deo excitante pungit et stimulat.

Verum cum ad ILLUSTRISSIME R. T. amicam exhortationem accessit Superio-
ram meorum, quibus quasi Dei in Religione hac nostra vicariis, voto obedientiæ
obstrictus sum, voluntas et imperium, jubens ut hæc ipsa ederem, acquiescen-
dum mihi fuit, et si res mihi debili et infirmo difficilis esset et laboriosa; malim
enim vitam perdere, quam obedientiam. Cœpi igitur inter Magdalenan et Mar-
tham horas et operas partiri, atque rem Deo duce aggredi, orsusque sum ab
Epistolis S. Pauli: tum quod illæ gravissimæ sint, uti et difficultimæ; tum quod
eas tertio et exacte præ aliis S. Scripturæ libris docuissem; tum quod antago-
nistæ Sectarri nostri Paulum assidue crepitent, eumque a se suisque sectis stare
apud imperitum vulgus clamitent; tum denique quod Paulus, utpote vas elec-
tionis et Doctor Gentium, hisce Epistolis tam Præsules et Pastores, quam Prin-
cipes, Magistratus et Christianos quoslibet, ejuscumque conditionis, status et
gradus sint, ad sapientiam æque ac virtutem, et perfectionem Christianam
instruat et informet: quas ob causas, in hoc opere licet alis commentatoribus
sim brevior, præ meo tamen more paulo sui fusior, addidique subinde ea, quæ
et dogmata, et questiones controversas, et morum compositionem spectant; non
tamen alia, nec aliunde quam ex re nata, et ex horto hoc nostro Paulino perfita:
quam ad rem hinc inde raras et selectas veterum sententias, exempla et apo-
phthegmata inserui, que proprium ejusque tam spiritum, quam sapientiam
et prudentiam acuere et excitare, atque ad cumdem in aliis acendum et exci-
tantum Pastoribus et Ecclesiasticis adjumento esse possint: hæc enim Christianæ
prudentiæ, spiritus et zeli fomenta crebro suggerit et aspirat Paulus.

Porro hisce commentariis conscribendis et limandis multis annis assiduo et
ingenti labore incubui, studiisque quatuor rebus quam maxime: *primo*, soliditatí,
ut genuinam Pauli mentem explicarem; *secundo*, brevitati, in studio enim sa-
ere Scripturæ verissimum est illud: « Ars longa, vita brevis; » ea de causa ex-
tot et tam vastis aliorum commentariis quasi mellilegium feci, et relictis furfuri-
bus pollinem dedi: mea vero pari delectu et brevitate tradidi. Citavi Patres
ad verbum, quantum brevitas tulit; sed ob eam subinde illos in verbis luxu-
rantes restrinxí, atque sententias illorum illustriores tantum citavi, easque
etiam disparatas, mediis omissis, coniunxi, verbo uno, aut verbi casu ad

Congruam syntaxin acapalo, et commutato. Morum enim medullam et ener-
giam paucis tradere intendi, ideoque nonnunquam, sed rarius, plura eorum
verba satis involuta uno alterove meo clariore commutavi, ut prolixitatem vi-
tarem: sed ita, ut fideliter sensa eorum semper expresserim. *Tertio*, methodo,
de qua mox dicam; *quarto*, claritatí; *quinto* enim à *ssq;*, sapiens et eruditum est
quod clarum est, non quod obscurum. Ut quid enim lingua et sermo nobis datus
est, nisi ut clare sensa mentis tum nostræ, tum alienæ efficeret et explicet? ut
quid difficiles et obscuros auctores explicamus, si nostra obscuritate, licet ele-
ganti, tam nos nostraque dicta et scripta, instar sepiarum, quam ipsos auc-
tores magis implicamus et involvimus?

Scopus itaque meus fuit, solide, breviter, methodice et clare tradere sensum
maxime genuinum et litteralem harum epistolarum, uti et reliquæ deinceps
S. Scripturæ: ideoque ex textu Greco, Hebreo et Syro, atque ex Patribus et Doc-
toribus ea profero, quæ sensum hunc genuinum vel demonstrant, vel illustrant.
Hunc scopum in omnibus spectavi et speclo, in hunc ubique collimo; an asse-
quar, Lectorum esto judicium.

Quamobrem florida et parerga non sector, nec elegantiam ambio; Theologum
enim ago, non oratorem; veritatem vestigo, utilitatem queró, non umbras et
pompam; insisto rebus, non verbis: præsertim cum Apostolus ipse, quem inter-
preter, profiteatur se imperitum sermone, sed non scientia, I Cor. ii: « Et sermo
meus, inquit ipse, non in persuasibilibus humanæ sapientiæ verbis, sed in os-
tensione spiritus et virtutis. » Qui enim verborum elegantia studet et incumbit,
necessæ est ut tantumdem rerum ipsarum studio et profunditati demat et de-
trahat.

Quare stylo utor didacticō et methodico, per notationes, questiones, numeros,
membra et puncta inciso et distincto, qui in scholis usitatus ad disciplinam et
memoriam aptissimus est: hic enim ornari res ipsa vetat, contenta doceri.

Methodus mea hæc est: post brevem synopsin totius capitil rem aggredior,
atque illustriores Patrum et Doctorum expositiones ordine quamque suo affero:
tum ut plenus et perfectus sit commentarius; tum ut S. Scripturæ secunditas
apparet; tum quia hæc varietas in cathedris et pulpitis, cum multa materia
multum affert tam ornamenti quam emolumenti. Sensum vero illum, qui
maxime genuinus videtur, expresse designo, eumque aliis præfero et illustro.
Connexionem quoque et vim ratioinationum Paulinarum, ubi ex obscuræ sunt,
clare ostendo, et in forma dialectica propono. Porro aliorum expositiones sœpe

non refello, tum ne longior sim, tum ob reverentiam auctorum, tum quia multæ sunt probabiles, tum quia veræ et genuine sententiae propositio ac confirmatio, re ipsa adversarum est refutatio. Aversor Criticos qui ex aliorum censura famam aucupantur; sed falso: nam et ipsi similes patiuntur vel Criticos, vel Apologeticos. Vere dixit Ausonius: « Tria iis avertenda sunt qui gloriam querunt: oculi a scriptis aliorum, manus a pecunia quam alius possidet, aures a secretis principum. » Denique Christiani animi semper esse duxi, aliorum labores fore, laudare, mirari; nullius carpere, despicere, abjecere et impedire. Quid enim querimus? gloriam Christi, non nostram, ut Christi nomen per nos et alios quovis toto orbe propagetur, secundum mensuram gratiae cuique a Deo datae.

Uniformem hanc brevitatem et methodum, quantum lieuit, ubique servavi. Verum, prout ipse Paulus subinde magis assurgit, subinde magis se demittit; in nonnullis epistolis planus et facilis, in aliis (uti clare patet in epistola ad Ephesios) obscurus est et sublimis, adeo ut ipse sibi dissimilis et disformis esse videatur: ita pariter necessum me fuit in ejus interpretatione nunc vela contrahere, nunc laxare; nunc attollere, nunc demittere.

Accipe igitur, ILLUSTRISSIME et REVERENDISSIME DOMINE, hoc levidense amoris et observantiae meæ erga ILLUSTRISSIMAM R. T. testimonium et mnemosynon, imo debitum: ad hoc enim me tum alii titulis, tum eo præsertim obligas, quod tam me, quam totam Societatem nostram adeo amice et benebole foves et completeris.

Norunt hoc nostri Lovanienses et Bruxellenses, cujus rei, ut alia præteream, illud recens et illustre argumentum dedisti, quod a biennio nostrum tirocinium atque Domum probationis in tuam urbem Mechlinensem admisisti, quodque tirones nostros, quasi parvulos tuos Benjaminos, illa amas, visitas, juvas et protegis, ut iis videaris esse Abraham, pater, inquam, dilecti Isaaci, et magnæ ejus prosapie fidelis ac religiosa ad aliorum salutem comparatæ, quam Christo Jesu ejusque Ecclesiæ instruis et adornas, ut in partem laborum et messis ipsi grandiores facti quandoque veniant, utque ILLUSTRISSIM. R. T., tuosque quasi subsidiarii milites adjuvent, tum in catechizanda et erudienda plebe, tum in hæreticis revincendis, tum in peccatoribus convertendis, tum in omni disciplina Ecclesiastica spirituque Christiano augendo et promovendo: viri enim Religiosi, qui suas in mundo res et spes pro Christi amore, ut eum quam proxime sequerentur, abdicarunt; quique in ipsa religione tum litteris, tum moribus, tum rerum

divinarum meditatione multis annis exulti fuerunt, atque instar Noe et Enoch cum Deo ambulare didicerunt: veri, inquam, Religiosi, utpote Deo devincti et conjuncti, nec sua lucra, sed quæ sunt Jesu Christi querentes, selecta et aptissima sunt Dei instrumenta ad animas convertendas, dirigendas, et perficiendas et salvandas, ut tum hujus saeculi, tum aliorum praecedentium multiplex experientia docuit, et docet. Atque haec est causa, quæ ILLUSTRISSIM. R. T. impellit, ut tirocinium hoc nostrum, et totam Societatem, qua a Deo hoc saculo excitata fuit ut Luthero et Calvinio se opponeret, ut Indos, Japones et Chinenses converteret, ut languescentes Christianos et Clericos excitaret, tenere diligas, defendas et promoveas.

Divina bonitas ILLUSTRISSIMAM R. T. in multos annos nobis, Belgio et Ecclesiæ suæ incolumem servet, induatque nova virtute ex alto, ut renoveatur sicut aquila senectus, imo juventus tua, utque B. Borromæi et S. Ambrosii æmulus Paulum nobis plene perfecteque exprimas, fiasque magnus Pastor et Doctor multarum gentium tum Episcopali, tum Archiepiscopali jure, ILLUSTRISSIMUS R. T. subditarum; ac denique, cum apparuerit summus ille Princeps Pastorum, ab eodem percipias immarcessibilem gloriæ coronam. Amen. Lovanii ex nostro Collegio, anno Domini 1614, ipso S. Thomæ Aquinatis.

ILLUSTRISSIM. R. T.

Servus in Christo

CORNELIUS CORNELII Soc. Jesu,

FACULTAS PROVINCIALIS.

CAROLUS SCRIBANI,

SOCIETATIS IESU PER PROVINCIAM FLANDRO-BELGICAM PREPOSITUS PROVINCIALIS.

Cum *Commentarium P. Cornelii a Lapide in omnes Epistolas D. Pauli* quatuor Societatis nostrae Theologi, quibus id commissum fuit, recognoverint, et in lucem edi possi probaverint: pro potestate mihi facta ab admodum R. P. N. Claudio Aquaviva, Societatis nostrae Praeposite Generali, concedo hæredibus Mart. Nutii facultatem typis eum mandandi. In cuius rei fidem hasce mea manu subscriptas sigilloque officii munitas dedi, Antwerpia, 21 martii, anno 1614.

CAROLUS SCRIBANI

APPROBATIO CENSORIS.

Hi *Commentarii in omnes S. Pauli Epistolas*, auctore R. P. Cornelio Cornelii, Societatis Jesu Presbytero, sunt docti ac pii, et digni qui studiosorum manibus terantur. Quare utilissimum judico, ut in publicum prodeant. Quod testor 1^o januarii, anno 1613.

EGBERTUS SPITHOLDIUS,
S. T. L. Canonicus et Plebeius Antwerpensis, librorum Censor.

Annotationes quibus *Commentaria R. P. Cornelii a Lapide in omnes S. Pauli Epistolas* Illustravit ac ditavit Aug. CRAMON, Presbyter diœcesis Ambianensis,
Nil obstat quin imprimantur.

Datum Ambiani, ultimo februario, anno 1638.

† JACOBUS-ANTONIUS,
Ambian. Episcopus.

DE SENSU ACCOMMODATO⁽¹⁾.

De natura, diversisque formis ac nominibus sensus accommodati.

Sensus *accommodatus*, vel, ut barbari magis dici solet, *accommodatius*, a quibusdam ~~autem~~ ~~scriptis~~ recte nuncupatus, est, quem voces atque enuntiationes Scripturarum preferunt, quum aptantur alii rei exprimenda, ac ea sit, quam auctor expressit. Hinc *transpositus* quoque a Cajetano apposito dictus est. Nec male subinde huic sensui nomen illud inderes, quo pessime Theodorus Mopsuestenus designavit sensum illorum oraculorum, ex quibus scriptores *Novi Testamenti* argumenta petiere, et *tertia theologia* diceres. Adde, sensum qui spiritualis a Patribus aliquis vocatur, non raro alium non esse, nisi hunc sensum accommodatum, qui proinde alia quoque nomina apud eos sortitur, quibus spiritualis sensus vocari solet.

Hunc autem tanquam Scripturarum sensum haberi nec debere nec posse, earumque testimonia que ~~scriptis~~ ~~scriptis~~ ad aliquid confirmandum producimus, nulla ad id divina auctoritate pollere, quibus facile intelligit. Quum enim in hunc sensum Scripturas accipimus, nihil aliud praestatamus, nisi ut earum verbis ac locutionibus rem aliquam enuntiemus, quam aliis verbis ac locutionibus ne minimo quidem auctoritatis detrimento enuntiaremus. Neque enim, quia Spiritus Sanctus probet ac velit illud, cui verba Scripturarum ea ratione accommodamus, consequens ideo est, illud ipsum verbum hisce eum exprimere voluisse, quum longe aliud sit loquentis propositum, ac secessus qui locutionibus subet, aut subesse potest.

Pro diverso genere rerum significatarum, aut modo quo significantur, facile poteris sensum hunc in easdem formas dispergire ac sensum literalem et spiritalem. Pro diversa autem ratione, qua Scripturarum verba et locutiones rebus aliis exprimendis aptamus, sensus accommodatus distingui solet a quibusdam in *extensionem*, seu *secundum extensionem*, et in *allusivum*, seu *secundum allusionem*. Prior habetur, quum Scripturarum verba horumque significationem veluti extendimus ad ea quae aliquid simile aut commune habent cum iis, de quibus a Spiritu Sancto dicta sunt verba haec; posterior vero, quum verbis hujusmodi alludimus aliquid rei designanda ab eo, quem verba haec, ut sunt in Scripturis, exhibent, sensu aliena prorsus ac disparate. Prioris specimen haberes, si quis admissam culpam excusat illis Hevae verbis: « Serpens decepit me; » aut amissum visum defleret dicens cum Tobia: « Quale gaudium mihi erit, qui in tenebris sedeo, et lumen coeli non video? » Posterioris, si quis verba illa: « Cum sancto sanctus eris, ... et cum perverso perverseris, » quibus psaltes Deum alloquitur, abhibeat ad indicandos effectus bona vel pravae conversationis. Priorem porro posteriori praferendum esse satis appetet. Hoc sacrarum Scripturarum usu D. Bernardus castor antecellit.

II. *An Scriptores bibliorum ex bibliis verba in sensum accommodatum quandoque accepterint?*

Quari solet, an ipsi auctores sacrarum Scripturarum usi quandoque sint harum verbis in sensum accommodatum acceptis. Quantum ad vaticinia, qua ex vetere Testamento deprompta prodicuntur a scriptoribus *Novi Testamenti*, ita sentiunt post Theodorum Mopsuestenum Sociniani ac Rationalistarum plerique. Contra vero alii, non prophetas modo, sed quacumque sententias bibliorum negant in eum sensum acceptas unquam fuisse a Scriptoribus sacris. Utrumque tamen falsum est, sed primum insuper tanquam absolum a Christiana doctrina Vigilius Pont. Max. reprobat. Dicimus itaque, nulla omnino vaticinia in sensum accommodatum accepisse Scriptores sacros, ubi prophetarum testimonio aliquid confirmare instituebant; attamen inter alias Scriptu-

(1) Haec de sensu accommodato, ex P. Patritii opere cui titulus, *De interpretatione Scripturarum libri II*, deprompta et fere excripta, nonnulli, ut spero, facient tum ad quedam Paulinarum epistolarum loca illustranda, tum ad lectores de sano et licito sacrorum verborum uso monendos.

rarum sententias, quas vel Scriptores illi, D. Paulus imprimis, vel Christus ipse produxere, nonnullas ita ab eis acceptas reperiri maxime in novo Testamento, v. g. *Math. vii, 23 ex Psal. vi, 9; x, 36 ex Mich. vii, 6; Luc. xxiii, 30 ex Osee x, 8; Ephes. iv, 25 ex Zacher. viii, 16.*

Ceterum nihil faciendum est argumentum *reprobatur*, quo ducti nonnulli nobiscum sentire recusant. Est autem illud, quod ratio hæc usurpandi testimonia Scripturarum minus decere videatur vel ipsos Scriptores *reprobantur*, vel Scripturarum sanctitatem. Ecce enim id dedecet arbitrius est, ut quedam proficeret sive ex Phonomenis Areti (*Act. xvii, 28*), sive ex Oraculis Epimenide (*Tit. i, 12*), atque adeo ex turpi quadam Menandri fabula *Thaidis* nomine inscripta (*1 Cor. xv, 33*). Sed neque Scripturarum sanctitatem nos iste dedecet. Si enim hanc minime violant vel oratores sacri, vel Patres, vel Ecclesia ipsa, quum illarum verba sic usurpat, cur eam violari dicamus, quum id agunt Scriptores ipsi bibliorum? Num Spiritui Sancto, quem precium auctorem Scriptura habent, minime licet sua propria verba, quoties voluerit, alius atque alius rebus significans adhibere.

Hæc quum affirmamus, handquaquam volumus ut de facilis aliquid tale sese in Scripturis comprehendilis credat. Quinimum cavendum omnino est, ne forte, dum sententias Scripturarum rebus aliis in Scripturis ipsis quærimus, nimirum iis credamus, qui *liberaliores*, ut vocant, seu verius liberiore et audaciore quam Scripturarum explicandarum rationem sectantur, quum reapse neque adeo frequenter a sacris Scriptoribus illud fiat, neque factum esse credendum sit, nisi ubi optima ratio ita credere cogit. Quare, ne hac in re peccemus, diligenter attendere oportet ea indicia quæ mox suggesterentur.

III. Quatenus licet Scripturis hac ratione uti, quidque in hoc attendere oporteat?

An licet voces atque enuntiationes Scripturarum alii rebus exprimendis aptare quam iis, quas verbis illis auctores ipsi expresserunt, religio est dubitare, quum id et Patres fecerint, et Ecclesia ipsa in sacris et in ceremoniis faciat quam frequenter. Neque modo id licet, sed cum laude: quicquid fit nec sine pietatis emolumento; siquidem iis, qui Deum bibliorum auctorem agnoscunt, ipsi vocum, quibus ea constant, sonus sanctum quid præferat, reverendum atque divinum, quod ad pios affectus ciendos mirifice valet. Nonnulla tamen in hoc Scripturarum usus sunt observanda, quibus neglectis, non solum eo, quod diximus, emolumento usus hic destitueretur, sed facile quicquid improbadus atque illicitus prouersus evaderet. Ea vero sunt quæ subjungamus.

Malum omnino accommodacionis genus est et cum primis cavendum, quare sensum accommodatum per litterali aut spirituali accipimus, atque alii obtrudimus. Id peccant, qui testimonialis Scriptorum sanctorum in hunc sensum acceptis utuntur ad aliquid comprobandum, præt, si quis alteri persuadere conatur vitandum esse improborum consortium argumento desumptu ex loco illo: « Cum perverso perverseris. » Hæc enim horumque similia hoc modo accommodata, si quid fortasse momenti habent ad aliquid probandum, nequaquam illud habent ab auctoritate Scripturarum, que non in hunc sensum a nobis exhibent, sed quia vel primum aliquod scientiarum aut morum principium continent, vel aliquam veritatem, de qua jam alii rationibus constat. Maxime vero omnium id peccant, qui hoc idem faciunt ad prava dogmata aut ad proprii capituli commenta confirmanda. Contra hos legem Tridentinam, *sess. iv*, cautum est.

Neque levius falli aut fallere dicendi sunt, qui verum Scripturarum sensum sive litteralem sive spiritalem tanquam accommodatum accipiunt aut tradunt. Id, sicut diximus supra, peccavit Theodosius Mopsuestenus, hodieque peccant Sociniani et Rationalistæ. Ad hoc ipsum Grotius sepius offendisse jure ac merito redarguitur.

His porro venia magis digni nequaquam sunt, nec minus ut violare religionis rei sunt habendi, qui sanctissima verba Scripturarum ad scurrilia vel turpia, aut etiam impia, edicunt detorquent. Patrum enim qui Tridenti concilium habuere, decreto iudicium de illis plane jam factum est, quod sic habet: « Post hæc temeritatem illam reprimere volens (*Synodus*), qua ad profana quaque convertiuntur et torquentur verba et sententia sacra Scriptura, ad scurrilia scil., fabu-

losa, vana, adulaciones, detractiones, superstitiones, impias et diabolicas incantationes, divinationes, sortes, libellos etiam famosos, mandat et præcipit, ad tollendam hujusmodi irreverentiam et contemptum, ne de cetero quisquam quomodolibet verba Scripturae sacrae ad hæc et similia audeat usurpare; ut omnes hujus generis homines, temeratores et violatores verbi Dei, juris et arbitrii poenit per episcopos coercentur, » *sess. iv*. Tanti vero criminiis rei traduceudi non sunt, qui quedam Scripturarum proverbia aut quosdam similitudines rebus aliis quam iis, de quibus dicta sunt, accommodant ita, ut levem aliquem lusum minimus turpem exhibeant, præseruit si ipsa verba tale aliquid præferant etiam accepta in eum sensum, quem habent in ipsis Scripturis, ut si rem tibi molestam dicas esse, « sicut acutum dentibus et fumus oculis », *Prov. x, 26*. Multo vero magis si verba sint perditorum hominum, ut si hominem avarum sacculo sordide parentem irrideat verbis Iudei Iscariotæ: « Ut quid perditio hæc? » *Math. xxvi, 8*.

Incongruum omnium, atque ineptum est, si non criminosum ac minus decens, accommodare verba Scripturarum rebus nimis dissimilibus ad disparatis ab illa, quam verbis hisce Scriptor sacer enuntiavit; « si quis Romanum gymnasium laudatus illud ex Proverbiorum libro proferret: « Sapientia aedificavit sibi domum. » Hac arte sive modo usurpandi sententias Scripturarum excelluisse plerique oratores, qui saeculo xvii floruerunt. Hunc autem scopulum vix fugies, si te altera sensus accommodati species nimium detectet, quæ per allusionem fieri dicitur. Id a se peccatum in adolescentia fuisse Hieronymus conquesus est, prefat. *Commentario de Abdio*.

Denique sedulo attende sensum accommodatum handquaquam haberi, quum verba Scripturarum usurpantur aliqua ex his rationibus quas subdimus. Ac primo, cum hoc producimus, ut inde, ob similem aut potius rationem, rei, de qua agimus, veritatem aliis probemus. Licet enim, quum ita producuntur, rebus aliis apti dici possint, non tamen aptantur ad eas exprimendas atque edicendas, quod fit quum in sensum accommodatum accipiuntur. Sic Paulus Hebreos, ut Deo fidere, hortabatur verbis illis: « Non te deseram, neque derelinquam, » *Hebr. xii, 3*, quibus Deus Ioseph allocutus fuerat, *Job. i, 5*; quæ tamen nequaquam surpassa Paulus putandus est in sensu accommodatum, sed ut inde argumentum sumeret, ac dixisset: *Sicut Deus Ioseph promisit se nunquam ei auxilio defuturum, ita neque vos unquam deseret.* Idem Paulus, ut probet sanctorum ministris, quæ victui necessaria sunt, ea deneganda non esse, affert hanc legem ex Deuteronomio: « Non ligabis os bovis territis, non quidem in sensum spiritualem acceptam, ut plures opinantur, neque in sensum accommodatum, ut nonnullis placet, sed in littoralem, ut confirmet, inquam, sententiam suam arguent, ut vocant, *a minore ad maius*, ac si dicaret: Quum veterum a Deo bohus triturationibus os colligare, quoniam edant de iis que-terunt, magis sane multo divine numini is adversaretur, qui sacerdotibus, dum pro nobis labo-rant, victim præbere abnueret. Num enim Deo boves curæ sunt, non autem ipsius ministri? aut magis saltum, quam his, consultum bobus *essa cupit?* Quæ omnia ex integro sermonis contextu apparent.

Quum Scripturarum sententias exempli aut similitudinis causa adhibemus, dici nequeunt ut rari atque accipi in sensum accommodatum; non enim id facimus, ut rem aliquam exprimamus atque edicamus, sed ut eam magis declaremus, atque sermonem exponemus. Id autem sic esse prodit ipse dicendi modus, ostenditque germanum verborum significatum non excludi. Hac ratione Paulus, *II Cor. VIII, 15*, elemosynam laudans affer illud Exodi: « Nec qui plus collegerat, habuit amplius, nec qui minus paraverat, reperit minus, » *xvi, 8*, quod de marina dictum est equo pondera a singulis Israelitis collecto; illud, inquam, afferit, similitudinis causa, ut manifestum fit illis verbis: « Sicut scriptum est, » quibus exorditur, et que, ut nullo modo evincunt Exodi effatum, sive in littoralem sensum, sive in spiritalem id accipias, ad elemosynam pertinere, ita satis declarant neque in sensum accommodatum accipi a Paulo, sed totam hujus sententiam sic sonare: Divitum esse pauperibus opem ferre, quo quedam honorum æqualitas inter Christianos, sicut contigit illis, qui manna colligant, de quibus scriptum est, etc.

Denique in sensum accommodatum usurpari Scriptura dicenda non sunt, quum ad aliquam rem confirmandam deponimus ex illis effata, proverbia, ac præcepta quadam universalia, quæ personam nullam nullamque rem certam attingunt, quanquam ab eo prolatæ fuerint. qui vel unum ali-

quem aut plures alloqueretur, vel de certa aliqua re ageret. Hujusmodi sunt illa, quae Samuel procul Saulem redarguens : « Melior est enim obedientia, quam victim » *1 Reg. xv, 22*; et quae Deus de Iudeis loquens : « Numquid voluntatis meæ est mors impi? » *Ezech. xvm, 23*. Si enim prioribus aliqui suades, ut legibus obtemperet, posterioribus vero, ut Deum sibi benignum futurum speret, profecto non ea usurpas in sensum accommodatum, sed in proprium ac germanum.

COMMENTARIA

IN OMNES

S. PAULI EPISTOLAS.

PROÆMIUM.

QUIS, QUALIS, QUANTUS S. PAULUS.

Octo dotes et prærogativa eximia in S. Paulo considerandas et admirandas sunt. *Prima* est, præclaræ ejus natura et indole; *secunda* est, mira ejus vocatio et gratia; *tertia* est, rara ejus sapientia; *quarta*, heroicæ ejus virtutes; *quinta*, efficacia et fructus in evangelizando; *sexta*, illustre illius martyrium; *septima*, miracula; *octava*, ejusdem fama et gloria.

CAPUT PRIMUM.

De Pauli genere et indole.

Quoad *primum*, fuit Paulus nobili Iudeorum prosapia ortus, e tribu Benjamin. S. Hieronymus, lib. *De Srip. Eccles.*, cap. xv, videtur tradere Paulum Gischale, Iudeæ oppido, natum esse; quo a Romanis capto, eum cum parentibus sumis Tarsum Cilicie commigrasse. Verum idem S. Hieronymus, in epist. ad *Philem.*, hanc traditionem fabulam appellat, et vere fabula est. Certum enim est Paulum non Gischale, sed Tarsi natum esse, id enim ipse affirmat *Act. xxii*: « Ego, inquit, sum vir Iudeus, natus in Taro Cilicie. »

Porro Tarsus Cilicie erat metropolis, et ius municipale a Romanis fuerat consequata, ita ut Tarsenses censerentur cives Romani et civium Romanorum privilegiis fruerentur. Unde Paulus, *Act. xvi, 37*, et *xix, 23*, civem Romanum se esse proclamat: « Si hominem Romanum, inquit, et indemnatum licet vobis flagellare? » Cumque dicaret Tribunus: « Ego multa summa civitatem, » vel, ut Graeci habent, *πολιτείαν*, *civilitatem*, « shane consecutus sum; » respondit Paulus: « Ego autem et natus sum. » Jus hoc civitatis Romanæ adepti sunt Tarsenses a Julio Cesare et ab Augusto, eo quod utriusque partes in bellis civilibus strenue adiuvissent. Unde et Tarsus Juliolopolis est dicta, ut testatur Dio Cassius, lib. *XLVII*.

Ilae de causa liberaliter et nobiliter educatus fuit Paulus, atque Grecorum litteris et liberalibus disciplinis egregie exculus: nam harum scholæ florebat Tarsi, hisque ita dediti erant Tarsenses,

ut teste Strabone, lib. *XIV*, in studiis hisce superant Athenas et Alexandriam; adeoque ipsa Roma Tarsensis litteralis abundavit. Paulus ergo Genitilium scientis Tarsi apprime imbutus, inde, quod genere Iudeus esset, ad Iudeorum metropolis Hierosolymam, ut sacris disciplinis a Gamaliæ eruditetur, prefectus est. « Ego, inquit ipse *Act. xxxi*, nutritius sum in ista civitate, secus pedes Gamaliel eruditus juxta veritatem paternæ legis, æmulator legis, sicut et vos omnes. »

Tantum vero in hisce profecit, ut Tertullianus, lib. *V* *Contra Marcion.*, ante finem, assiceret nos dubitet neminem magis nosse medullas Scripturarum, quam S. Paulum. Audi et S. Hieronymum ad *Pauliūm*: « Cur dicitur, inquit, Paulus vas electionis? nempe, quia legis et S. Scripturarum erat armarium. »

Fuit autem Paulus Platirisæ, scia secta apud Iudeos erat nobilissima et prestantissima. Ita enim ipse ait *Act. xxv, 5*: « Secundum certissimam, » grecæ ἀπόφεσιν, id est diligentissimam, exactissimam, religiosissimam, « sectam nostræ religionis vixi Phariseus. »

Jam vero insignis, magnanima et heroicæ ejus indole eluet in arden i ejus zelo et pugna pro Iudaismo, quo, errans, licet, putansque obsequium se prestare Deo, ipse adhuc adolescentem ducem se præbuit Iudeis ad persequendum et extirpandum Christians.

« Saulus, inquit Lucas, *Act. viii*, devasta-

bat Ecclesiam, per domos intrans, et trahens viros ac mulieres, tradebat in custodiam. » Et cap. ix, 1: « Saulus adhuc spirans minarum et eadis in discipulos Domini, accessit ad principem sacerdotum, et petiit ab eo epistolas in Damascum ad synagogas, ut, si quos inveneret hujus viros ac mulieres, vincitos perduceret in Ierusalem. » Luculentius vero ipse Paulus, *Galat. cap. i, vers. 13*: « Supra modum, inquit, persequebar Ecclesiam Dei, et expugnabam illam, et proficiebam in Iudaismo supra multis coetaneos meos in genere meo, abundantius æmulator extensis paternarum mearum traditionum. »